



www.qbz.gov.al

# FLETORJA ZYRTARE E REPUBLIKËS SË SHQIPËRISË

Botim i Qendrës së Botimeve Zyrtare

Viti: 2014 – Numri: 222

Tiranë – E Martë, 5 maj 2015

## PËRMBAJTJA

		Faqe
Vendim i GJEDNJ datë 15.10.2014	Çështja “Çështja Marku kundër Shqipërisë - ankimi nr. 547/10/12	12963
Udhëzim i ministri i Arsimit dhe Sportit nr. 58, datë 5.12.2014	Për disa ndryshime në udhëzimin nr. 43, datë 15.10.2014 “Për procedurën e pranimit dhe të regjistrimit në programet e studimit të ciklit të parë dhe të dytë, të ofruara nga institucionet private të arsimit të lartë, si dhe për transferimin e studimeve në këto institucione për vitin akademik 2014 – 2015”, të ndryshuar.....	12967
Udhëzim i ministri i Arsimit dhe Sportit nr. 59, datë 24.12.2014	Për një ndryshim në udhëzimin nr. 33, datë 19.9.2014 “Për procedurat e pranimit, në institucionet e arsimit të lartë publik e privat në vitin akademik 2014-2015 të studentëve që transferojnë studimet nga institucionet private të arsimit të lartë të cilëve u është hequr licenca”.....	12968



GJYKATA EUROPIANE E TË DREJTAVE  
TË NJERIUT

**ÇËSHTJA MARKU KUNDËR  
SHQIPËRISË**

(Ankimi nr. 547/10/12)

**VENDIM  
STRASBURG  
15 korrik 2014  
PËRFUNDIMTAR  
15/10/2014**

Ky vendim është i formës së prerë sipas nenit 44§2 të Konventës. Ai mund t'i nënshtrohet rishikimit redaktues.

Në çështjen “Marku kundër Shqipërisë”,

Gjykata Europiane e të Drejtave të Njeriut (seksioni i katërt), e mbledhur në një dhomë të përbërë nga:

Ineta Ziemele, presidente

George Nicolaou,

Ledi Bianku,

Nona Tsotsoria,

Zdravka Kalaydjieva,

Vincent A. de Gaetano,

Paul Mahoney,

Faris Vahabović - gjyqtarë,

dhe Françoise Elens-Passos, sekretare e seksionit,

pasi ka diskutuar me dyer të mbyllura më 17 shtator 2013, lëshon vendimin e mëposhtëm, i cili u miratua në po atë ditë.

**PROCEDURA**

1. Çështja filloi me një ankesë (nr. 547/10/12) kundër Republikës së Shqipërisë paraqitur në Gjykatë sipas nenit 34 të Konventës për Mbrojtjen e të Drejtave të Njeriut dhe Lirive Themelore (“Konventa”) nga një shtetas shqiptar, z. Ndoc Marku (“ankuesi”), më 15 qershor 2012.

2. Qeveria shqiptare (“Qeveria”) përfaqësohej nga agjenti i saj, znj. L. Mandia, znj. A. Hicka e Zyrës së Avokatit të Shtetit.

3. Ankuesi pretendonte veçanërisht se autoritet kombëtare nuk i kishin njohur statusin si veteran i luftës (për çlirimin kombëtar).

4. Çështja iu komunikua Qeverisë më 26 nëntor 2012.

**FAKTET**

**I. RRETHANAT E ÇËSHTJES**

5. Ankuesi ka lindur në vitin 1931 dhe jeton në Laç.

A. Procedurat për njohjen e statusit të ankuesit si veteran i luftës

6. Në një datë të papërcaktuar në vitin 2002, ankuesi paraqiti një ankesë për marrjen e statusit si veteran i luftës (për çlirimin kombëtar). Më 15 janar 2003, Komisioni Qendror për Veteranët e Luftës (“Komisioni Qendror”), i cili ishte organi për shqyrtimin e këtyre ankimeve, e informoi ankuesin se nuk merrte më ankesa që prej shtatorit 2001.

7. Në një datë të paspecifikuar, në vitin 2003, ankuesi paraqiti një ankesë për leje për të apeluar jashtë afatit. Më 13 maj 2003, Gjyka e Rrethit Lezhë lejoi që ankesa e tij për leje të dorëzohej në Komisionin Qendror jashtë afatit.

8. Më 19 qershor 2003, në vijim të vendimit të Gjykatës së Rrethit Gjyqësor Lezhë, ankuesi i kërkoi Komisionit Qendror t'i njihej statusi si veteran i luftës (për çlirimin kombëtar).

9. Më 14 korrik 2003, Komisioni Qendror e informoi me anë të një letre, se pavarësisht vendimit të Rrethit Gjyqësor Lezhë, ai kishte ndaluar së funksionuari më 30 korrik 2002 dhe nuk mund ta shqyrtonte ankesën e tij. Ankuesi nuk ndërmori ndonjë procedurë gjyqësore si reagim ndaj komunikimit të Komisionit Qendror.

10. Më 9 dhjetor 2004, ankuesi u informua nga Drejtoria e Informacionit, Këshilli i Ministrave, se data e fundit e veprimtarisë së Komisionit Qendror ishte shtyrë deri më 31 dhjetor 2006 (paragrafi 26 më poshtë).

11. Më 7 dhjetor 2005, ankuesi ndërmori një akt civil në Gjykatën e Rrethit Tiranë (“Gjykata e Rrethit”) për njohjen ligjore të kohës dhe statusit të tij si veteran i luftës (e çlirimit kombëtar). Ai u mbështet në nenin 388 të Kodit të Procedurës Civile (“KPC”) (paragrafi 27 më poshtë), Statusi i Aktit për Veteranët e Luftës (paragrafi 21 më poshtë) dhe vendimet e Këshillit të Ministrave, nr. 190, më 3 maj 1995 dhe nr. 748 më 11 nëntor 2004 (paragrafi 26 më poshtë).

12. Më 1 shkurt 2006, Gjykata e Rrethit lejoi veprimet. Rezultoi se nga 1 marsi 1943 deri në çlirimin e vendit, ankuesi ka qenë korrier në shërbim të një çete partizane. Gjykata e Rrethit Tiranë shqyrtoi vetëm mbështetjen e ankuesit tek vendimi i Këshillit nr. 748, i datës 11 nëntor 2004. Ajo i njohu ankuesit statusin e veteranit.

13. Më 14 shkurt 2006, Komisioni Qendror, i cili kishte ndërhyrë si palë e tretë në procedime, apeloj kundër vendimit të Gjykatës së Rrethit duke



argumentuar se vendimi ishte marrë në kundërshtim me ligjin.

14. Më 1 shkurt 2007, Gjykata e Apelit Tiranë mbështeti atë vendim. Rezultoi se përderisa Komisioni Qendror nuk e kundërshtoi saktësinë e të dhënave të shqyrtuara nga Gjykata e Rrethit, vendimi i saj u konsiderua i drejtë dhe i dhënë në përputhje me ligjin. Më 12 mars 2007, pas një kërkesë të bërë nga ankuesi, u lëshua një urdhër për zbatim.

15. Më 13 prill 2007, një avokat i kërkoj Komisionit Qendror të pajtohej vullnetarisht me vendimin e gjykatës.

16. Më 26 shtator 2007, zyra e avokatit vendosi pushimin e procedimit të ekzekutimit, bazuar në faktin se vendimi kishte natyrë deklarative, nuk ishte drejtuar kundër një debitori dhe se prej tij nuk kishin dalë të drejta apo detyrime. Vendimi i gjykatës ishte transmetuar tek Komisioni Qendror për veprime të mëtejshme.

17. Në vijim të kërkesave të ankuesit drejtuar autoriteteve, më 2 dhe 13 korrik 2007 dhe 4 mars 2008, Ministria e Mbrojtjes e informoi atë se Komisioni Qendror kishte ndalur së ekzistuari më 31 dhjetor 2006. Pavarësisht përpjekjeve për t'i shtrirë operacionet e saj deri më 2007, asnjë legjislacion për vijimësinë e saj nuk u miratua.

B. Procedimet në lidhje me pagesën e detyrimeve financiare për llogari të statusit veteran i luftës i ankuesit

18. Më 5 mars 2008, ankuesi paraqiti një kërkesë civile duke i kërkuar Komisionit Qendror t'i paguante detyrimet financiare, për të cilat ai ishte i pranueshëm sipas ligjit vendas, në lidhje me statusin e tij si veteran i luftës.

19. Më 23 tetor 2008, Gjykata e Rrethit Tiranë e kundërshtoi kërkesën. Ajo shpjegoi se vendimi i datës 14 shkurt 2006, i mbështetur gjatë apelit, më 1 shkurt 2007, pranoi ekzistencën e faktit ligjor bazuar në nenin 388 të KPP dhe kishte një natyrë deklarative. Një palë e interesuar mundi të vijonte me procedimet për pranimin e ekzistencës së një fakti ligjor, megjithatë autoriteti kompetent për njohjen e statusit të veteranit të luftës së një personi ishte Komisioni Qendror. Ky ent nuk e kishte shqyrtuar kurrë një ankesë të bërë nga ankuesi, i cili nuk ishte njohur kurrë si një person me statusin e veteranit të luftës. Vendimi i marrë nga Komisioni Qendror ishte i amendueshëm nga apeli i paraqitur përpara gjykatave vendase. Fuqitë e

Komisionit Qendror nuk iu transferuan ndonjë autoriteti tjetër.

20. Apelimet e paraqitura nga ankuesi në Gjykatën e Apelit Tiranë, në Gjykatën e Lartë dhe në Gjykatën Kushtetuese u hodhën poshtë më 8 dhjetor 2009 dhe më 10 shkurt dhe 18 maj 2012 respektivisht.

## II. LIGJI VENDAS PËRKATËS

A. Kuadri ligjor mbi statusin e veteranëve të luftës

1. *Statusi i Aktit për Veteranët e Luftës (ligji nr. 7874 i datës 17 nëntor 1994, i amenduar nga ligji me numrat 8526 i datës 23 shtator 1999, 9568 i datës 19 qershor 2006 dhe 9724 i datës 3 maj 2007)*

21. Statusi i Aktit për Veteranët e Luftës parashtronte kërkesat që duheshin përmbushur nga një person i cili dëshironte të pranohej si veteran i luftës (seksioni 1 dhe 2). Një person mund të provonte se kishte qenë veteran lufte me anë të një dokumenti zyrtar, *inter alia*, i cili vërtetonte pjesëmarrjen e tij në luftë (seksioni 3). Akti ngriti komisionet lokale dhe Komisionin Qendror në Ministrinë e Mbrojtjes. Ankimet individuale duhej të paraqiteshin tek komisionet vendore, të cilat i transferonin ato për shqyrtim tek Komisioni Qendror, vendimi i të cilit ishte i amendueshëm për t'u apeluar në gjykatat vendase (seksioni 4). Sipas Aktit, statusi i veteranit të luftës jepte të drejtën për një përfitim financiar mujor (seksioni 8), si edhe përfitime të tjera të mbështetura në ligj si për shembull ofrimi i trajtimit mjekësor falas, receta falas, transport i lirë publik dhe një përjashtim nga taksat direkte (seksionet 9, 10 dhe 13).

2. *Aktet e zbatueshme (vendim i Këshillit të Ministrave (VKM) nr. 190, i datës 3 maj 1995, siç edhe u amendua nga VKM nr. 467 i datës 4 shtator 1995, VKM nr. 2 i datës 10 janar 1996, VKM nr. 782 i datës 17 dhjetor 1998, VKM nr. 353 i datës 7 korrik 2000, VKM nr. 114 i datës 8 mars 2001, VKM nr. 29 i datës 28 janar 2002 dhe VKM nr. 784 i datës 11 nëntor 2004; VKM nr. 540 i datës 9 tetor 1995, dhe VKM nr. 562 i datës 2 dhjetor 1999, i amenduar nga VKM nr. 9 i datës 13 janar 2000).*

22. Vendimet e mësipërme të Këshillit të Ministrave përcaktonin përfitimet financiare të disponueshme për ata individë së cilëve iu ishte njohur statusi veteran lufte.

23. VKM nr. 190 i datës 3 maj 1995 parashikonte që komisionet vendore, të vepronin



pranë zyrave të mobilizimit ushtarak lokal dhe Komisioni Qendror në Ministrinë e Mbrojtjes (pika 2). Komisioni Qendror vendosi që për ankime të caktuara të njihej statusi i veteranit të luftës, i cili duhej prezantuar tek komisionet vendase (pika 3). Një veterani luftime i jepej e drejta për kompensim financiar (pika 7).

24. VKM nr. 540 i datës 9 tetor 1995 parashtronte përmbajtjen e komisioneve lokale dhe Komisionit Qendror.

25. Sipas VKM nr. 562 të datës 2 shkurt 1999, komisionet lokale do të mund të pranenin ankime individuale deri më 30 shtator 2000. Sipas VKM nr 29, të datës 28 janar 2002, Komisioni Qendror do t'i vazhdonte veprimet e tij deri më 30 korrik 2002.

26. VKM nr. 748 i datës 11 nëntor 2004 shpjegonte se Komisioni Qendror do t'i vazhdonte veprimet e tij deri më 31 dhjetor 2006, dhe do të shqyrtonte ankesat e atyre individëve statusi veteran luftime i të cilëve ishte miratuar nga një vendim gjykate i formës së prerë. Deri më sot, nuk është miratuar asnjë dispozitë tjetër ligjore e cila siguron vijimësinë e veprimtarive të Komisionit Qendror.

#### B. Kodi i Procedurës Civile

27. Neni 388 i Kodit të Procedurës Civile parashikon se çdo palë e interesuar ka të drejtën që me anë të një vendimi gjykate të kërkojë njohjen e faktit, të dhënat e dokumentuara të të cilit janë zhdukur, kanë humbur apo nuk mund të krijohen përsëri apo të merren në ndonjë formë tjetër, në rast se një fakt i tillë është material për emergjencën, ndryshimin apo ndërprerjen e të drejtave personale ose të pronës. Sipas nenit 390, gjykata e rrethit shqyrtton në një seancë dëgjimore një kërkesë për njohjen ligjore të një fakti në prani të të gjitha palëve të cilat kanë interes në këtë çështje. Sipas nenit 391, vendimi i gjykatës së rrethit është i mundshëm të apelohej nga secila prej palëve në procedime. Vendimi i gjykatës nuk ka ndikim mbi personat të cilët nuk ishin palë në procedime.

#### LIGJI

#### I. PRETENDIMI PËR SHKELJE TË NENIT 6 § 1 TË KONVENTËS

28. Sipas nenit 6 § 1 të Konventës, ankuesi pretendonte se autoritetet nuk kishin mundur të zbatonin vendimin e Gjykatës së Rrethit, të datës 14 shkurt 2006, siç u parashtrua nga Gjykata e

Apelit më 1 shkurt 2007 në lidhje me njohjen e statusit të tij si veteran luftime.

Neni 6 § 1 i Konventës shpjegon si më poshtë:

“Në përcaktimin e të drejtave dhe detyrimeve civile ... çdonjëri ka të drejtën për një seancë dëgjimore ... të drejtë ... nga [një] gjykatë ...”

#### A. Pranueshmëria

29. Qeveria parashtrroi se ankimi duhej të deklarohet i papranueshëm dhe i pabazuar në fakte. Ata argumentuan se pakënaqësia e ankuesit bënte një interpretim të gabuar të ligjit vendas. Sipas këndvështrimit të tyre, nuk ishte detyra e gjykatës të zinte vendin e gjykatave kombëtare për interpretimin e ligjit vendas.

30. Gjykata e vlerëson si të përshtatshme të merret me çështjen e ngritur nga Qeveria, në lidhje me shqyrtimin e cilësive të saj. Prandaj, ajo vendos t'ia shtojë kundërshtimin cilësive të ankesës (shiko gjithashtu *O'Keefe kundër Irlandës* [DHM], nr. 35810/09, § 121 GJEDNJ 2014 (pjesë të shkëputura).

31. Gjykata vëren se ankimi nuk është i pabazuar në fakte, bazuar në interpretimin e nenit 35 § 3 (a) të Konventës. Më tej ajo vëren se sipas të dhënave të tjera nuk është i papranueshëm. Prandaj, duhet deklaruar i pranueshëm.

#### B. Cilësitë

##### 1. Bindjet e palëve

32. Ankuesi pretendon se autoritetet nuk kishin mundur të zbatonin vendimet vendase, në favor të tij për njohjen e statusit të tij si veteran luftime. Ai i kërkoj Ministrisë së Mbrojtjes ta pranonte ankesën e tij dhe të njihte statusin e tij.

33. Qeveria parashtrroi se ankuesi kurrë nuk kishte vuajtur disavantazhe nga veprimet ose masat e autoriteteve. Avokati kishte vepruar në mënyrë të zellshme në lidhje me procedimet e zbatimit sapo vendimi kishte marrë formë të prerë, edhe pse vendimi vendas ishte i një natyre deklarative dhe i pazbatueshëm.

34. Ankuesi kishte paraqitur një pakënaqësi përpara Komisionit Qendror pasi ai kishte ndalur së funksionuari më 31 dhjetor 2006. Në këto rrethana, nuk kishte pasur asnjë mundësi të arsyeshme për Ministrinë e Mbrojtjes për të vepruar. Ky fakt u soll në vëmendjen e ankuesit me anë të letrave të autoriteteve drejtuar atij. Pra, as autoritetet nuk kishin krijuar pengesa për ushtrimin e të drejtave të ankuesit.



35. Në procedimet në vijim, ankuesi kishte reaguar, duke qenë se gjykatat vendase kishin përsëritur faktin se vendimet e mëparshme kishin një natyrë deklarative dhe se Komisioni Qendror, i cili kishte qenë i vetmi organ përgjegjës për njohjen ose mos njohjen e statusit të veteranit të luftës së personit në fjalë, kishte ndaluar së funksionuari më 31 dhjetor 2006.

#### 2. Vlerësimi i Gjykatës

36. Gjykata nuk ka përgjegjësi të vlerësojë cilësitë e sistemit shqiptar për sa i përket ankesave të paraqitura për njohjen e statusit veteran i luftës. Gjykata do të vetëkufizohet sa më shumë të jetë e mundur, në shqyrtimin e çështjeve të ngritura nga çështja specifike para saj, duke pasur parasysh se i përket autoriteteve vendase, veçanërisht gjykatave që të zgjidhin problemet e interpretimit të legjislacionit vendas, sidomos rregullat e natyrës procedurale, si për shembull afatet kohore në lidhje me ankimin e dokumenteve ose paraqitja e apelimit (shiko Yagtzilar dhe të Tjerët kundër Greqisë, nr. 41727/98, § 25, GJEDNJ 2001-XII). Megjithatë, Gjykata përsërit se Konventa dhe protokollat e saj duhet të interpretohen si të drejta garantuese, të cilat janë praktike dhe efektive, dhe jo teorike dhe iluzioniste (shiko, për shembull Ferenc Rózsa dhe István Rózsa kundër Hungarisë, nr. 30789/05, § 22, 28 prill 2009).

37. Në çështjen konkrete, Gjykata vëren se më 7 dhjetor 2005, ankuesi paraqiti një masë civile për njohjen ligjore të kohës dhe statusit të tij si veteran lufte. Me anë të një vendimi të dhënë më 1 shkurt 2007, gjykatat vendase e lejuan masën e ankuesit. Duke pasur një natyrë deklarative, vetë vendimi nuk u përqendrua në statusin e veteranit të luftës (shiko paragrafët 11 deri 14 më sipër) ose nuk zëvendësoi Komisionin Qendror për njohjen e statusit veteran i luftës. Ky status, siç interpretohet nga gjykatat vendase duhet të njihet nga Komisioni Qendror, i cili funksiononte në Ministrinë e Mbrojtjes (shiko paragrafët 19 dhe 20 më sipër).

38. Megjithatë, sipas ligjit vendas, Komisioni Qendror nuk vazhdoi të funksiononte pas datës 31 dhjetor 2006. Për pasojë, ankuesi nuk mund të paraqiste një ankesë në Komisionin Qendror për njohjen e statusit të tij si veteran lufte, i cili do t'i kishte dhënë të drejtën për një përfitim financiar të përmuajshëm (shiko paragrafët 19 dhe 20 më sipër). Gjykata, si përgjegjëse për përcaktimin ligjor

të fakteve të çështjes, mendon se pakënaqësia e ankuesit ka lidhje me kufizim e mundësisë së tij për të ndërmarrë procedime në Komisionin Qendror për përcaktimin e të drejtës me një natyrë monetare. Pjesa civile e nenit 6 është e zbatueshme dhe ankesa duhet të shqyrtohet nga pikëpamja e të drejtës për t'u pranuar në gjykatë (shiko *mutatis mutandis*, Ramadhi dhe të Tjerët kundër Shqipërisë, nr. 38222/02), 13 nëntor 2007, R. Kundër Mbretërisë së Bashkuar, 8 korrik 1987, seritë A nr. 121, dhe W kundër Mbretërisë së Bashkuar, 8 korrik 1987, seritë A nr. 121).

39. Në këtë aspekt, Gjykata përsërit se neni 6 § 1 i siguron të gjithëve të drejtën për të bërë çdo kërkesë të paraqitur përpara një gjykate, për sa i përket të drejtave dhe detyrimeve të tyre civile. Kështu, ajo “i vesh të drejtën një gjykate” nga e cila e drejta për t'u pranuar, që është e drejta për të ndjekur procedime përpara gjykatave në çështjet civile, përben një aspekt (shiko Golder kundër Mbretërisë së Bashkuar, 21 shkurt 1975, seritë A, nr. 18 §§ 35-36). Kjo e drejtë shtrihet vetëm për të diskutuar “të drejtat dhe detyrimet civile”, të cilat në aspektin argumentues, njihen nga ligji vendas (shiko *inter alia*, James dhe të Tjerët kundër Mbretërisë së Bashkuar, 21 shkurt 1986, seritë A nr. 98, § 81 dhe Powell dhe Rayner kundër Mbretërisë së Bashkuar, 21 shkurt 1990, seritë A nr. 172, § 36).

40. “E drejta e një gjykate” nuk është absolute. Ajo është subjekt i kufizimeve, duke qenë se nga vetë natyra e saj ajo kërkon rregullime nga Shteti, i cili gëzon vlerësim në këtë pikëpamje (shiko *Ashingdane kundër Mbretërisë së Bashkuar*, 28 maj 1985, seritë A nr. 93 § 57). Megjithatë, këto kufizime nuk duhet të kufizojnë aksesin e një personi në atë mënyrë që vetë esenca e të drejtës të kufizohet. Së fundmi, këto kufizime nuk pajtohen me nenin 6 § 1 nëse nuk ndjekin një synim legjitim ose nëse nuk ka një marrëdhënie të arsyeshme proporcionaliteti midis mënyrave të përdorura dhe objektivit të synuar për t'u arritur (shiko *Shërbimet Levages Prestations kundër Francës*, 23 tetor 1996, Raportet e Gjyqimeve dhe Vendimeve 1996-V, § 0, dhe *Luordo kundër Italisë*, nr. 32190/96, § 85, GJEDNJ 2003-IX).

41. Në parim Gjykata e konsideron të arsyeshme që legjislacioni vendas të ushtrojë afate kohore mbi një veprim civil. Për më tepër, është e vërtetë se autoritetet mund të ndërhyjnë për të rregulluar çështjet e *modus operandi* të një sërë



institucionesh si edhe të parashtrajnë rregulla për funksionimin e tyre. Kjo nuk do të thotë se të tillë rregulla dhe ndërhyrje janë përtej shqyrtimit të Gjykatës. I takon Gjykatës që të shqyrtojë me kujdes argumentet e referuara gjatë procesit vendimmarrës si edhe të orientojë drejt zgjedhjeve të bëra nga autoritetet (shiko, *mutatis mutandis*, Multiplex kundër Kroacisë, nr. 58112/00, §§ 48-51, 10 korrik 2003).

42. Duke iu rikthyer rrethanave të çështjes konkrete, Gjykata vëren se fillimisht, në dhjetor 2005, ankuesi ndërmoi procedime civile (shiko paragrafin 11 më sipër). Ai i drejtoi ato me mirëbesim dhe me zell. Nuk pati asnjë argument për të kundërshtuar këtë aspekt nga ana e Qeverisë. Duke marrë një vendim në favor të tij, ai fitoi të drejtën të priste për një sistem tek i cili do të gjente mundësinë praktike dhe efikase të ndërmerre procedimet dhe të merrte “përcaktimin” përfundimtar të ankesës së tij në lidhje me njohjen e statusit të tij si veteran lufte.

43. Megjithatë, siç edhe interpretohet nga gjykatat vendase, më 23 tetor 2008, 8 dhjetor 2009, 10 shkurt dhe 18 maj 2012, ankuesi nuk paraqiti procedime përpara Komisionit Qendror në lidhje me njohjen e statusit të tij si veteran lufte (shiko paragrafët 19, 20 dhe 37 më sipër). Ai nuk mund të bënte një gjë të tillë, duke qenë se funksionimi dhe aktivitetet e Komisionit Qendror ishin ndërprerë pas 31 dhjetorit 2006. Sipas ligjit shqiptar, Qeveria nuk iu referua ekzistencës së zgjidhjeve të tjera vendase të disponueshme për ankuesin. Një ligj i tillë do të kishte shërbyer për qëllimin e prezantimit të një ankese për njohjen e statusit të veteranit të luftës. Gjithashtu, ata nuk paraqitën ndonjë fakt se juridiksioni dhe fuqitë e Komisionit Qendror i ishin transferuar një tjetër institucioni apo gjykatave vendase.

44. Në këto rrethana, i ndaluar njëherë e përgjithmonë nga paraqitja e procedimeve përpara Komisionit Qendror, për të cilin nuk kishte asnjë zgjidhje efikase sipas ligjit shqiptar, ankuesi vuajti një kufizim joproportional mbi të drejtën e tij për t’u pranuar në gjykatë. “E drejta e tij për t’u pranuar në gjykatë” ishte e kufizuar dhe për këtë arsye ka pasur një shkelje të nenit 6 § 1 të Konventës.

Për këtë arsye,

45. Gjykata e hodhi poshtë kundërshtimin e Qeverisë se çështja duhej të deklarohet e

papranueshme duke qenë se nuk ishte e bazuar në fakte (shiko, *O’Keefe, cituar më sipër*, § 187).

## II. ZBATIM I NENIT 41 TË KONVENTËS

46. Neni 41 i Konventës pohon si më poshtë:

“Nëse Gjykata konstaton se ka pasur shkelje të Konventës ose të protokolleve, dhe nëse ligji i brendshëm i Palës së Lartë Kontraktuese lejon vetëm kompensimin e pjesshëm, nëse është e nevojshme, Gjykata duhet të përballojë kompensimin e drejtë për palën e dëmtuar.”

47. Ankuesi nuk paraqiti ndonjë kërkesë për kompensim të drejtë. Kështu, Gjykata mendon se atij nuk do t’i jepet ndonjë shumë parash në lidhje me këtë aspekt.

## PËR KËTO ARSYE, GJYKATA, NË MËNYRË UNANIME:

1. *Vendos* të bashkohet me cilësitë e ankimit sipas nenit 6 § 1 të Konventës, në lidhje me kundërshtimin e Qeverisë se ankimi duhet të deklarohet i papranueshëm për shkak se nuk bazohet në fakte;

2. *E deklaroi* ankimin të pranueshëm;

3. *Vendos se ka pasur shkelje të nenit 6 § 1 të Konventës dhe për pasojë e rrezon kundërshtimin e Qeverisë se ankimi nuk ishte i bazuar në fakte.*

I hartuar në anglisht dhe i mbajtur me shkrim më 15 korrik 2014, sipas rregullit 77 §§ 2 dhe 3 të Rregullores së Gjykatës.

**Françoise Elens-Passos**

Sekretare

**Ineta Ziemele**

Presidente

## UDHËZIM

Nr. 58, datë 5.12.2014

**PËR DISA NDRYSHIME NË  
UDHËZIMIN NR. 43, DATË 15.10.2014  
“PËR PROCEDURËN E PRANIMIT DHE  
TË REGJISTRIMIT NË PROGRAMET E  
STUDIMIT TË CIKLIT TË PARË DHE  
TË DYTË, TË OFRUARA NGA  
INSTITUCIONET PRIVATE TË  
ARSIMIT TË LARTË, SI DHE PËR  
TRANSFERIMIN E STUDIMEVE NË  
KËTO INSTITUCIONE PËR VITIN  
AKADEMIK 2014 – 2015”, TË  
NDRYSHUAR**

Në mbështetje të nenit 102 të Kushtetutës së Republikës së Shqipërisë, nenit 33, 34 dhe 35 të



ligjit nr. 9741, datë 21.5.2007, "Për arsimin e lartë në Republikën e Shqipërisë", të ndryshuar,

#### UDHËZOJ:

1. Pika 3 e udhëzimit nr. 43, datë 15.10.2014, ndryshon si më poshtë:

"3. Procedurat e aplikimit dhe regjistrimit në programet e studimeve të ciklit të parë, programet e integruara të studimeve të ciklit të dytë, programet e studimit të ciklit të dytë, si dhe për transferimin e studimeve, për vitin akademik 2014-2015, në institucionet private të arsimit të lartë, për ciklin e parë të studimeve dhe programet e integruara të studimeve të ciklit të dytë, të kryhet deri më datën 12 nëntor 2014, dhe për programet e studimeve të ciklit të dytë, brenda datës 12 dhjetor 2014."

2. Pika 5 e udhëzimit ndryshon si më poshtë:

"5. IAL-të private i dërgojnë Agjencisë Kombëtare të Provimeve (AKP) listën e studentëve të regjistruar në ciklin e parë të studimeve dhe programet e integruara të studimeve të ciklit të dytë, brenda datës 17 nëntor 2014, dhe listën e studentëve të regjistruar në programet e studimeve të ciklit të dytë, brenda datës 15 dhjetor 2014, në formë shkresore dhe elektronike, në format *excel*, në CD. Pas këtyre datave AKP-ja nuk do të pranojë lista shtesë të studentëve për t'u pajisur me numrin e matrikullimit dhe listat e paraqitura nuk do të merren në shqyrtim nga AKP-ja. AKP-ja, respektivisht, brenda datës 17 dhjetor 2014 dhe 15 janar 2014, iu dërgon IAL-ve private listën me numrat e matrikullimit të studentëve. IAL-të private çregjistrojnë studentët e papajisur me numër matrikullimi, si dhe ia komunikojnë çregjistrimin AKP-së, brenda 10 ditëve nga marrja e komunikimit zyrtar nga AKP me listat me numrat e matrikullimit."

3. Pika 6 e udhëzimit ndryshon si më poshtë:

"6. IAL-të private, deri në datën 31 dhjetor 2014, për ciklin e parë të studimeve dhe programet e integruara të studimeve të ciklit të dytë dhe deri në datën 26 janar 2015 për programet e studimeve të ciklit të dytë, dërgojnë zyrtarisht në Ministrinë e Arsimit dhe Sportit të dhënat mbi regjistrimet dhe transferimet e studentëve në programet e studimit të ciklit të parë dhe të dytë, si dhe programet e integruara të studimeve të ciklit të dytë, në formatet e kërkuara

sipas udhëzimit nr. 9, datë 25.2.2010 "Për mbledhjen, përpunimin dhe raportimin e të dhënave statistikore."

4. Për zbatimin e këtij udhëzimi ngarkohen Sekretari i Përgjithshëm, Drejtorja e Arsimit të Lartë dhe Shkencës në Ministrinë e Arsimit dhe Sportit, Agjencia Kombëtare e Provimeve, si edhe institucionet private të arsimit të lartë.

Ky udhëzim hyn në fuqi pas botimit në Fletoren Zyrtare.

MINISTRI I ARSIMIT DHE SPORTIT  
Lindita Nikolla

#### UDHËZIM

Nr. 59, datë 24.12.2014

**PËR NJË NDRYSHIM NË UDHËZIMIN NR. 33, DATË 19.9.2014 "PËR PROCEDURAT E PRANIMIT, NË INSTITUCIONET E ARSIMIT TË LARTË PUBLIK E PRIVAT NË VITIN AKADEMIK 2014-2015 TË STUDENTËVE QË TRANSFEROJNË STUDIMET NGA INSTITUCIONET PRIVATE TË ARSIMIT TË LARTË TË CILËVE U ËSHTË HEQUR LICENCA"**

Në mbështetje të nenin 102 të Kushtetutës së Republikës së Shqipërisë, ligjit nr. 9741, datë 21.05.2007 "Për arsimin e lartë në Republikën e Shqipërisë", i ndryshuar, vendimit nr. 539, datë 6.8.2014 të Këshillit të Ministrave "Për heqjen e licencës disa institucioneve private të arsimit të lartë", vendimit nr. 539, datë 6.8.2014 të Këshillit të Ministrave "Për heqjen e licencës disa institucioneve private të arsimit të lartë", Vendimit nr. 716, datë 29.10.2014, të Këshillit të Ministrave, "Për kuotat e transferimit të studimeve dhe tarifave të shkollimit, për studentët që transferojnë studimet nga institucionet private të arsimit të lartë, të cilave u është hequr licenca, në institucionet publike të arsimit të lartë, në vitin akademik 2014 – 2015", të ndryshuar,

#### UDHËZOJ:

I. Udhëzimi nr. 33 datë 19.9.2014 "Për procedurat e pranimit, në institucionet e arsimit të lartë publik e privat në vitin akademik 2014-2015 të studentëve që transferojnë studimet nga institucionet private të arsimit të lartë të cilëve u



është hequr licenca” të ndryshojë si më poshtë:

1. Pika 8 e kreut IV të udhëzimit të ndryshojë si më poshtë:

“Komisionet e vlerësimit dhe të ekuivalentimit të ngritur pranë IAL-ve publike kryejnë vlerësimin dhe ekuivalentimin e dosjeve të kandidatëve që rezultojnë të rregullta me qëllim ekuivalentimin e rezultateve individuale të secilit prej studentëve ndjekjes së programeve përkatëse të studimit në IAL-të private të cilëve iu është hequr licenca, deri në orën 12:00 të datës 5 janar 2015. Ekuivalentimi individual bëhet duke u bazuar në ekuivalentimin paraprak për çdo program studimi.”

2. Pika 10 e kreut IV të udhëzimit të ndryshojë si më poshtë:

“Dekanatet e fakulteteve bazuar në vendimin e komisionit të vlerësimit dhe ekuivalentimit, shpallin, brenda datës 5 janar 2015, të dhënat për çdo kandidat, kreditet e ekuivalentuara, detyrimet dhe lëndët e pashlyera, si dhe vitin në të cilin transferohet.”

3. Pika 11 e kreut IV të udhëzimit të ndryshojë si më poshtë:

“Në periudhën deri në datën 9 janar 2015 bëhet regjistrimi i studentëve pranë sekretarive mësimore të fakultetit përkatës dhe paguhet tarifa përkatëse.”

4. Pika 13 e kreut IV të udhëzimit të ndryshojë si më poshtë:

“IAL-të publike i dërgojnë MAS-it dhe AKP-së listën e studentëve të regjistruar, brenda datës 13 janar 2014, me qëllim pajisjen e tyre me numër matrikullimi. Për të gjithë emrat e studentëve të dërguar pas kësaj date nuk do të procedohet me dhënien e numrave të matrikullimit.”

5. Pika 4 e kreut VI të udhëzimit të ndryshojë si më poshtë:

“Në IAL-të private aplikantët regjistrohen përfundimisht brenda datës 9 janar 2015.”

6. Pika 5 e kreut VI të udhëzimit të ndryshojë si më poshtë:

“IAL-të private i dërgojnë MAS-it dhe AKP-së brenda datës 13 janar 2015, në rrugë postare, listën e studentëve të regjistruar, në formë shkresore dhe elektronike në format *excel*, me qëllim pajisjen me numër matrikullimi. Për të gjithë emrat e studentëve të dërguar pas kësaj date, nuk do të procedohet me dhënien e numrave të matrikullimit.”

7. Kreu VIII i udhëzimit të ndryshojë si më poshtë:

“AKP pajis studentët, për të cilët IAL-të publike dhe private kanë përcjellë listat me të dhënat përkatëse brenda afateve të parashikuara në këtë udhëzim, me numrin e matrikullimit, dhe ia komunikon atë me shkresë zyrtare IAL-së përkatëse brenda datës 10 shkurt 2015. Në rastet kur një student nuk mund t'i jepet numri i matrikullimit, AKP i kërkon IAL-së ta çregjistrojë atë. IAL çregjistron studentin brenda 10 ditësh kalendarike nga marrja e kërkesës zyrtare nga AKP-ja.”

II. Ngarkohen për zbatimin e këtij udhëzimi Sekretari i Përgjithshëm, Drejtorja e Arsimit të Lartë dhe Shkencës në Ministrinë e Arsimit dhe Sportit, Agjencia Publike e Arsimit të Lartë, Agjencia Kombëtare e Provimeve, si dhe institucionet publike dhe private të arsimit të lartë.

Ky udhëzim hyn në fuqi menjëherë dhe botohet në Fletoren Zyrtare.

MINISTRI I ARSIMIT DHE SPORTIT  
**Lindita Nikolla**



	Formati 61x86/8
--	-----------------

Shtypshkronja e Qendrës së Botimeve Zyrtare  
Tiranë, 2015

Adresa  
Bulevardi “Gjergj Fishta”,  
pas ish-Ekspozitës “Shqipëria Sot”,  
Tel:042427005, 04 2427006

Çmimi 77 lekë